



Broj: 02-1-1209/2  
Sarajevo, 18.07.2024. godine

Općina: Pliivačevina - Federacija Bosne i Hercegovine  
Općina Sarajevo - GRAD SARAJEVO  
GRADSKO VIJEĆE

DANA: 19 JUL 2024		
Reg. broj	Prilog	Vrijednost
01-GV-02-828-2	2	1.0/2

**Prima:**

Grad Sarajevo  
Gradsko vijeće  
Predsjedavajući GV, Jasmin Ademović

**Predmet: Odgovor na Inicijativu Gradskog vijeća broj 01-GV-02-828-2.1/24**

1. Zadovoljstvo nam je obavijestiti Vas da nevezano za Inicijativu Gradskog vijeća broj 01-GV-02-828-2.1/24, JP Olimpijski bazen Otoka već dugi niz godina uspješno saraduje sa Plivačkim savezom KS/FBiH, gdje im se ustupaju jedna ili čak dvije plivačke pruge u različitim satnicama tokom dana. U skladu sa njihovim rasporedom koji nam dostavljaju periodično, a odnosi se na perspektivne plivače iz klubova-članova Saveza, koriste sljedeće resurse po simboličnoj cijeni 1.00 KM pruga/sat:

- ✓ 07:00 – 09:00 svakim danom imaju na raspolaganju dvije 50-m pruge
- ✓ 09:00 – 10:00 svakim danom imaju na raspolaganju jednu ili dvije 25-m prugu
- ✓ 15:00 – 17:00 svakim danom imaju na raspolaganju dvije 25-m pruge
- ✓ 17:00 – 18:00 svakim danom imaju na raspolaganju jednu ili dvije 25-m prugu
- ✓ 21:00 – 23:00 svakim danom imaju na raspolaganju dvije 25-m pruge.

Iako je ovo dobra namjera i veoma plemenit cilj, kada uporedimo stvarne cijene po Cjenovniku Olimpijskog bazena Otoka sa simboličnom fakturom koju na dnevnom nivou Bazen ispostavi Plivačkom savezu (odnosno klubovima koji koriste ove pruge), dolazimo do sljedećih finansijskih pokazatelja:

Termini u kojima klubovi već godinama koriste beneficiranu prugu za 1,00 KM	Broj pruga
07:00 – 09:00	2
09:00 – 10:00	1 ili 2
15:00 – 17:00	2
17:00 – 18:00	1 ili 2
21:00 – 23:00	2
Cijena koju plaćaju na dnevnom nivou (u KM):	10,00 KM
Cijena po Cjenovniku na dnevnom nivou:	187,00 KM

Uobzirimo li dnevne brojke potrošnje na tzv. „perspektivnu prugu“, kao i činjenicu da već godinama i na ovaj način podržavamo profesionalne plivače, iznos koji Plivački savez FBiH plaća na godišnjem nivou Olimpijskom bazenu je svega 3.450,00 KM, dok je realna cijena njihovih troškova, odnosno iskorištenih godišnjih resursa 66.198,00 KM. To znači da **svake godine Olimpijski bazen Otoka iz svog Budžeta izdvaja 62.748,00 KM za sve perspektivne plivače.**



2. Napominjemo da je Olimpijski bazen Otoka, dodatno, pored navedenog, izašao u susret klubovima sa perspektivnim takmičarima u svojim redovima, tako što je omogućio plivačima svakodnevno korištenje plivališta van radnog vremena, od 06:00 sati ujutro, kada plivač dođe sa svojim trenerom da odradi jutarnji trening.

3. Također, još prošle smo godine dodijelili propusnice za slobodno korištenje plivališta reprezentativcima Lani Pudar, Iman Avdić, Ismailu Barlovu i Ismailu Zulfiću te na taj način, na čelu sa trenutnom Upravom kontinuirano radimo na poboljšanju uslova trenažnih procesa naših takmičara.

Naše opredjeljenje je da svim učesnicima svjetskih, europskih, olimpijskih i mediteranskih takmičenja/igara, obezbijedimo „posebne“ pogodnosti koje podrazumijevaju korištenje Bazena gotovo bez bilo kakvih ograničenja.

Stoga Vas informišemo da ćemo i u narednom periodu nadograditi ovaj vid saradnje omogućavanjem korištenja „Studentske kartice“ koja je predmet odnosne Inicijative.

S poštovanjem,



dr Avdija Hasanović  
direktor

Pripremila:  
Kontrolisao: